

欽定古今圖書集成

方輿彙編職方典



欽定古今圖書集成方輿彙編職方典

第六百二十一卷目錄

潼川州部彙考一

潼川州建置沿革考

潼川州疆域考

有圖

形勝附

潼川州星野考

潼川州山川考

潼川州城池考

潼川州關梁考

Blank page with vertical lines, likely a separator or a page with very faint text.

職方典第六百二十一卷

潼川州部彙考一

潼川州建置沿革考

本州

總志

禹貢梁州之域商周時為蜀國及秦俱為蜀郡
地漢置廣漢郡及郫縣蜀漢分置梓潼郡晉置
新都郡永和初分置遂寧郡宋齊為廣漢郡梁
於郫縣置新州西魏改潼川郡又改五城置昌
城郡隋改新州為梓州尋改為新城郡唐復為

梓州領縣五又分置遂州改靜戎軍天寶初改梓州為梓潼郡至德中置東川節度使屬劍南道治梓州梁乾化初為武德軍宋改安靜軍節度使宣和初陞為潼川府元為路明為府洪武九年改為潼川州并郪縣入焉編戶六里領縣七

皇清因之編戶一里

射洪縣

漢郪縣地西魏置射江縣周改射洪隋屬新城

郡唐屬梓州元復置射洪縣并通泉入焉明因之編戶三里隸潼川州

皇清因之編戶十一甲

鹽亭縣

漢廣漢郡地梁置白巖渠郡及鹽亭縣唐屬梓州宋因之元并永泰東關入焉明因之編戶二里隸潼川州

皇清因之編戶三里

中江縣

蜀漢為五城縣後周置鉉武郡隋改鉉武縣尋置凱州後罷州宋改鉉武為中江元并飛鳥銅山二縣入焉明因之編戶五里隸潼川州

皇清因之編戶一里

遂寧縣

漢為廣漢地晉置遂寧郡後周置遂州又改石山隋郡廢大業初改遂寧郡治方義縣唐為遂州宋陞為府元改為州明洪武九年改為縣編戶十七里隸潼川州

皇清因之編戶一里

蓬溪縣

漢廣漢地梁小溪縣地西魏為方義唐置唐興縣尋改武豐縣後又改蓬溪縣宋縣廢元復置并長江入焉明因之編戶六里隸潼川州

皇清因之編戶六甲

安岳縣

漢資中牛鞞墊江德陽四縣地梁立普慈郡後周置普州隋改普慈縣唐置普州尋增樂至崇

龕二縣改州為安岳郡宋寶祐以後州縣俱廢
元置安岳縣并安居樂至入焉明洪武初置普
州領縣後又并州入縣編戶二十六里隸潼川
州

皇清因之初附遂寧無里無甲今歸併樂至

樂至縣

唐割普州置樂至縣元併入安岳明復置隸潼
川州正德中復以其地改立簡州編戶六里後
復隸潼川州

皇清因之以民少停銓今於康熙十九年願印設官

潼川州疆域圖



大足縣界

潼川州疆域考

本州

東至鹽亭縣界七十里

西至中江縣界八十里

南至射洪縣香山寺界四十里

北至綿州界九十里

東南至射洪縣界五十里

西南至中江縣冷水壩界九十里

自州治至省城三百六十五里東北至

州志

京師一萬二百六十五里

東西廣一百五十里南北袤一百三十里

射洪縣

東至鹽亭縣界八十里又至西充縣界九十里

西至潼川州高觀山界六十里

南至蓬溪縣界八十里

北至潼川州界三十里

東南至蓬溪縣高峰山界一百里

東北至鹽亭縣界六十里

西南至潼川州馬桑埡界四十里

西北至潼川州菩提寺界二十里

東西廣一百五十里南北袤一百二十里

鹽亭縣

東至西充縣葫蘆壩界八十里

西至潼川州窰嘴界三十里

南至射洪縣界五十里

北至劍州五十里又至南部羅家壩界八十里

東南至射洪縣界一百里

東北至南部雨霖廟界七十里

西北至潼川州迴龍寺界六十里

東西廣一百一十里南北袤一百五十里

中江縣

東至潼川州土地壩界三十里

西至石炭鋪交漢川界七十里

南至樂至縣界一百九十里

北至綿州界九十里

東南至潼川州榻水橋界蓬溪縣馬桑壩界樂

至縣聖燈寺界一百八十里

東北至潼川州界五十里

西南至金堂縣界四十里

西北至德陽縣界四十里又至羅江縣界五十

里

東西廣一百三十里南北袤二百五十里

遂寧縣

東至界牌交蓬溪縣界二十五里

西至板橋鋪交安岳縣界五十里

南至安居縣界一百二十里又至李十三巢交
大足縣界一百八十里

北至明水鋪交蓬溪縣界五十里

東南至董市交安居縣界一百二十里

東北至蓬溪縣界四十里

西北至荒草堰交中江潼川安岳樂至四州縣
界一百八十里

東西廣七十五里南北袤一百七十里

蓬溪縣

東至大壩井交南充縣界三十里

西至遂寧縣界一百五十里

南至遂寧縣界一百里又至空頂山交合州界
二百里

北至董家溝交射洪縣界二十里

東南至大塘觀交南充縣界一百里

東北至仙靈寺交西充縣界三十里又至高峯
山交射洪縣界四十里

西北至白站埡交蓬溪縣界八十里又至潼川

州界二百里又至中江縣界二百里

東西廣一百五十里南北袤一百四十里

樂至縣

東至天台寺交安岳縣界七十里

西至花石場交簡州界七十里

南至資陽縣老鶯嘴界五十里又至邵家灣交

資陽縣界六十里又至熊家壩交安岳縣界八

十里

北至文殊菴交中江縣界五十里又至中江縣

弔兒嘴界六十里

東北至張家壩交遂寧縣界六十里又至安岳

縣界七十里

西北至勝家池交中江縣界三十里又至楠木

林交金堂縣界八十里

東西廣一百五十里南北袤一百一十里

形勝附

本州

通典左帶涪水右挾中江居水陸之衝要

宋乾道中奏陞潼川府狀江山形勝水陸之衝
劍外一都會

通泉縣連鰲閣記梓於西南為大都

馬咸記據涪水之上游

東控瀘叙西扼綿左

射洪縣

山連越嶲水散巴渝巨川環遶於東北衆山拱

峙於西南

鹽亭縣

高山雄峙瀾水環流東跨鳳凰南馳白馬介劍
潼果閬之間達京畿藩鎮之道

中江縣

兩山並峙二水夾流

遂寧縣

東川會邑涪水上游有城如斗有壁如金沃野

平疇山川灑落

蓬溪縣

環邑皆山溪流如帶左控東山右襟涪水

樂至縣

飛鳳蟠龍之鬪勝寶鼎玉帶之呈祥

[Faint bleed-through text from the reverse side of the page, including characters like 樂至縣, 飛鳳, 蟠龍, 鬪勝, 寶鼎, 玉帶, 呈祥.]

潼川州星野考

總志

州總

在觜參之次入觜一次

潼川州山川考

州縣志合載

本州

東山 在州東四里隔涪江層崖修阜勢若長城有蘇公泉暨石塔存焉以山在州東故名唐杜甫詩東山高頂羅珍羞下顧城郭銷我憂

牛頭山 在州西南二里形如伏牛古刻牛頭二字於崖俯臨城郭舊多樓閣為一方勝概杜甫詩青山意不盡袞袞上牛頭

印臺山 在治南山方而頂圓其形如印逆水

而上倒影於凱涪二水之間旁有三小峯學宮
州治皆向之山麓有南山寺劉蛻文塚在焉
來袞山 在治北明州守劉自紘建亭於上
雲山 去治南二里
龍頂山 在治西其狀如龍又有盤龍宜君二
山與龍頂相連相傳宜君產麈尾
三台山 去治西五里突起層級蔚然奇秀遠
近瞻望恍如台星一州重鎮也山腰石洞相傳
有仙人魯交修煉於此

金魚山 在治南巖畔有赤龍君祠碑記尚存
長平山 去治北二里岡長而平形勢磅礴透
迤數十里至此州治結焉澗中甘泉山麓有洞
賓亭上有惠義寺

金字山 去治東二十里

鵝山 去治西五十里

茶堵山 在治東相傳有仙煮茶於此乃跨江
而西隔十里一足跡在茶堵山一足跡在城西
鳳凰山之石足拇痕深入石非經斧鑿者

雲頂山 去治南十里逶迤層疊頂若雲盤宋
德敷禪師同黃魯直煉習於此

紫蓋山 在治西上產虞美人有柳溪書崖

畱使山 在治東唐李絳爲東川節度使遷任
民不忍去於此遮道畱之故名有碑毀滅

古樓山 在治東層巒疊峙狀如樓閣董仲真
人曾修煉於上有石室鄉人禱雨屢驗

鐘山 去治東五十里形同覆鐘山山有泉其
味甘董仲詩英英靈氣峯千出泱泱幽泉石夢

寒採藥不知何處是白雲引我到鐘山

黃龍山 在治東疊嶂層層一峰獨出橫枕於

桃花溪上相傳黃龍禪師飛錫於此故名

五層山 在治北卽天柱山重岡五層

映溪山 去治東五十里高岡逶迤峰巒如半
月山麓雙溪湊合重流通濟橋下日出山影映

入波心文同詩古木吞雲氣晴山渾浪浮

鳳山 去治東五十里峰岫翺翔其形如鳳

浮山 去治南二十里涪江水面突起一峰旁

有澗水曲折環繞故以浮名

觀鹿山 去治北八十里嘗有仙人跨鹿於此

馬頭山 在治北上有石塔山形如馬首

望君山 去治南七十里杜甫嘗登此山望闕

大書望君山三字於上有明真井銘

文峰山 與望君山相連山腰係趙真人生長

處俗名趙村堽基址遺跡猶有存者

赤巖山 在治南凱水上巖皆丹色陳堯叟有

記乃八分體下有蛙石磯遊人亦多題味

青泰山 去治南七十里疊嶂嶙峋昔處士王
彥道家焉周字山與之善嘗過而遊有家住青
泰山上頭頭高眼底白雲遊之句

雲鶴山 去治六十里舊傳有異人嘗止於上

宜軍山 去治南一百二十里昔諸葛武侯嘗

屯兵於此故名宜軍

望川山 去治南一百二十里高出重霄有樓

臺崔巍之勝天晴日霽登絕頂遙望西川

雲錦山 去治東五十里

石城山 去治東五十里四面如城

金鵝山 去治東六十里與鹽亭交界高山連

峙勢若長城上有半峰裂巖相傳爲金鵝飛去

香積山 在州西五十里北枕涪江上有寺

海會山 去治北四十里

萬峰山 去治東北五十里有萬峰朝拱之勢

上建梓潼廟

雲臺山 去治南百里本肖菴真人修煉處按

化書屬真武八十三世化身也嘗自偈有武當

遊駕到飛鳥茅屋雲臺天下無之句

環龍山 去治東五十里勢如盤龍

南峯山 在治東州守張雲建慈衆堂於上

馬躍巖 去治南十里唐易鉉子乘馬至此巖

上馬忽躍入水中化爲赤龍名赤龍潭

魁字巖 去治東二里上連東山下臨涪水石

壁大書魁字映入波心

義僕洞 去治南五里巖間有洞適客死此僕

痛哭觸石亦死因以名焉

梅花石 在治南雲臺山大石上有梅花雨過則現下有洞相傳為肖菴真人銅棺鐵槨在焉
五馬石 去治西南五十里峰高水秀上有蔡林寺下有怪石參立形如五馬

鄴江 在治西南源自銅山赤崖流至飛鳥會眾流入涪江

涪江 在治北源自吐蕃下歷綿州入本州東南合中江為一歷遂寧與嘉陵江合

衛江 在治東源自衛城歷映江古樓二山至

慈雲寺二里許合瀾江到射洪神溪口入涪江

玉江 去治南百里源自銅山水色澄清如玉

過雲臺山入明水寨合大江

西溪 衆山積流成溪逶迤九曲入鄴江

濯筆溪 在治西古傳李白訪趙蕤習書於此

桃花溪 去治東二十里春日桃花夾岸掩映

清流由稻花壩入涪江

橫水池 在治北二里水可煮茶

琴泉 在治北崖洞深邃有泉如竇滴入池中

鏗錚流越聲如琴鳴古聯云山腰水有千年潤
井底泉無一日乾

福牛泉 去治南二十里上有福牛芳潤四字

鑑泉 在治南印臺山半有慈雲洞相傳為大

士示現處泉從洞出引之山下有塘名曰鑑泉

橫冰泉 去治北三里泉凝徹若冰昔曾救取

洗日疾得愈因建報恩寺泉巖多名人題味

蘇泉 在治東山之腰竇流清冽味極甘東坡

曾烹茶於此

顧公井 在治內節度顧公開鑿

明真井 在治南百里望君山麓杜工部有銘

射洪縣

金華山 在治北二里杜甫詩涪右衆山內金

華紫崔巍有陳子昂讀書臺在上

三台山 在治西三峯並列有類三台故名

武東山 在縣東七里

玉屏山 在縣南十里即古之白崖山遠望懸

崖宛類玉屏故名

獨坐山 在縣東南二十里射洪涪江左右合流此山卓然孤立故名有陳子昂墓在焉

官岡 去治西北一里

梧桐 在治西北一里三台山之右

歸雲洞 去治南六十里

龍穴 在治內梓潼江濱世傳有龍馬出焉

大瀾江 在治東源出劍州又小瀾江在治北

涪江 在治東從鄴來至獨坐山與射江合

射江 水經云涪江東南流合射江李膺益州

記婁灘東六里許土人呼為射江水

沈水 按明一統志在縣東南八十里公孫述

據蜀時令延岑盛兵於沈水固守漢臧宮進兵

從擊破之斬首溺死者萬餘人

可波水 按明一統志在縣東合梓潼水

桃花水 按明一統志在縣東北流入涪江

唐橋溪 去治南十里

鳴琴泉 去治西北半里

方義泉 去治南一里相傳水可愈病

甘泉 去治南四十里唐邑人黃嘉猷父沒躬負土成墳感甘泉之應詔蠲租稅仍旌其門

鹽亭縣

鳳凰山 在治東北下臨瀾江孤峯絕島起伏翼然狀如鳳凰寰宇記云隋開皇間縣令董淑封嘗遊晏於此後人思之號董淑山

高山 在縣西一里杜甫詩馬首見鹽亭高山擁縣門又名負戴山

賜紫山 去治北一里有帝君神祠士民多祈

嗣潼川州守高文芳改為賜子山

紫金山 在縣北一十五里世傳嚴震封馮翊郡王有金紫之榮故名

光祿山 去治南十里

駙馬山 去治西北二十里上有神女慈孝元妙真人祠

玉屏山 在治北瀾江上狀如玉屏故名

天祿山 去治北三十里

寶蓮山 在治南為儒學之文峯縣城之屏蔽

龍固山 在縣西北六十里山高四面懸絕可以固守

女徒山 去治七十里昔有女徒千人置柵山頂禦變故名但不識何年事今山頂有祠

蠶絲山 在治東十里

鼓樓山 在縣東一百二十里山有三層高五十丈又蓬溪縣亦有鼓樓山雙峰對峙可望數

百里蜀王建時嘗置古樓烽火於其上因名梓潼水 在縣南二里源出劍州廢陰平縣竇

團山經梓潼過鹽亭至白馬河與涪江合流

雲溪 源出高山入縣城過德星橋合瀾江入梓江杜甫詩雲溪花淡淡

鵝溪 在治西北八十里其地產絹宋文同詩待將一片鵝溪絹掃取寒梢萬尺長東坡詩為

愛鵝溪白繭光

皇清成都知府冀應熊書鵝溪流韻四字刻於石

麟溪 在治西蜀王時有麟見於此因以為名

楊溪 在治南源出順慶府

竹溪 去治北十里有寺

花溪 去治南三里

春谷溪 在高山下水甘美

飛龍泉 在負戴山下

浴丹井 在鳳凰山下昔易鉉子浴丹於此

中江縣

東帽山 去治東一里按縣志作寶城山

西帽山 去治西一里與東帽山為縣東西峙

按縣志作棲妙山即田大神得道處

元武山 一名大雄山舊有真武祠今廢水中

之石多如龍蛇狀隋有元武縣以此山名

天柱山 去治西南二十里山巒孤秀如柱

火烽山 去治東南三里武侯嘗置烽火於此

覆舟山 在治西南三十里山腹有風穴人往

視之則風從穴而起甚至折木

賴應山 去治南五十里地產銅及空青

銅官山 在縣西南九十八里即廢銅山產銅

或謂卓王孫鄧通治鐵之所非是

可蒙山 在治西南一云可象山

飛鳥山 在縣南一百六十里峻峭如飛鳥之

狀唐有飛鳥縣以此山名

私容山 去治南一百三十里與可象山皆有

銅貞觀二十三年置鑄錢官調露元年罷

會軍山 去治東南六十里漢昭烈入蜀遣武

侯張飛略地至此百姓以牛酒迎師故名按縣

治作會軍堂山

崆峒山 去治北十里有洞可容千人

天台山 去治北二十里惟攀蘿梯巖可上有
天台寺故名之

鳳凰山 去治北四十里儼若飛鳳狀上有二
泉併出謂之鳳眼

三堆山 見隋書今不可考疑卽斗山

亞松山 在元武山側宋紹定間知縣許彪祖

收瘞暴骨處所題福會阡三字碑今存

銅魚山 去治東南二里聯雲塔詳古蹟

峯流山 去治東南四十里有楊伯侯廟

獅子山 去治東南七十里

馬鞍山 去治東南九十里

龍華山 去治東二里

天台山 去治南二十里

寶珠山 去治南三十里上有玉皇宮

沙尖山 去治南三十里秀拔峻麗迥出衆山

明正德間居民避兵於此

靈泉山 去治南四十里有普陀寺

東禪山 去治南五十里

星宿山 去治南八十里交金堂界

紫荊山 去治南九十里鐵佛寺

瑞雲山 上有龍居寺

天台山 在廢銅山縣地

萬巖山 去治南一百五十里

乾元山 在飛鳥東十里有紫極宮元帝遊覽

駐跡處

鳳凰山 去治南一百八十里淨安寺又名

靈鷲山

迴龍山 去治南一百九十里有龍神宮

臥雲山 去治南二百里有龍興寺

鯉魚山 以形名有七泉寺

紅崖山 去治西二十里

挂榜山 去治西二十里每鄉科年分當暑雨

後邑人視山土崩痕卜中式多寡

雲龍山 在古店驛下有寺以山名

天馬山 去治北十五里

鷄冠山 去治北二十里

玉峯山 去治北二十里峯巒秀麗因名有安

祥寺

臥龍山 大名山 俱去治南三十里

淨雲山 有彌勒院

油籠山 俱在廢銅山縣地

鏡鉢山 柏坡山 俱在下村

印臺山 玉琴山 俱去治北二十里

關索坪 去治北四十里寬平無際相傳關索

會駐軍於此

鄴江 見隋書今不可考

中江 在治東南江來自綿州東江來自涪城

至中江元武山下合而東南流

凱江 發源安縣經羅江遶縣西南至潼川又

名武江

玉江 水色碧清澈底皆石發源水池溝穿銅

山東流至高灘子河有石如玉因名始通舟筏

凡鹽貨俱於此裝載至遂寧入涪重慶入江

飛鳥江 發源九里浸徑圓山歷廢飛鳥縣東

南流至清涼寺會金水河下合玉江為二水口

金水河 去治南一百四十里發源油籠山歷

大龍泉大龍灘東流入飛鳥江

余家河 發源貓兒坎北流三十里至治西南

八里合龍王灘水東流城南二里為曹家河口

入於凱江

清溪河 去治南五十里南流出懷州 金堂縣地古懷

安入金堂峽至瀘州入江

東溪 由東轉南與凱江合流於潼川

龍王灘 去治西十五里發源山谷徑高橋至此獨深十數丈遇旱土人取水禱之即雨東流與余家河合入於凱江

青洲 去治北五十里水出山澗其水獨清前有青洲寺

洗筆池 水色如墨相傳有仙人於此洗筆

飛泉 在治南其水平地湧出味甚甘美

李廣泉 去治北六十里相傳李廣提兵至此乏水廣望巖發矢水隨箭出

蔡家溝 在治西六十里古店山後西南流至

石灰鋪 漢州也 入綿陽河經焦山驛會湔灘諸水

至瀘州入江是為古中水

筒車堰 共四十八處

遂寧縣

長樂山 去治西二里形若蟠龍頂平如砥

寶臺山 在治西頂平如臺

書臺山 在治西南唐張九宗讀書於此

丹山 在書臺左一曰天榜其右曰金魚下有

金魚鎮

梵雲山 在縣西南二里

玉堂山 去治北十里峯巒聳翠氣象雄峙縣之主山也

鶴鳴山 去治東北二十里漢張道陵入蜀居此山養道行教後仙去山有雙石鶴

靈泉山 去治東十里數峯壁立有泉自崖滴下成穴深尺餘紺碧甘美流注不竭宋楊大淵等行靈泉山卽此

蕨山 在治北本名屈山唐景雲中改今名

傘子山 在治北環山之民以植蔗煎糖爲業

尋香山 去治東二十里舊名血腥山宋刺史白子昉改今名

資聖山 去治東五里頂上有井不溢不涸因建靈泉寺邑人嘗讀書於此

臥龍山 去治西三里環互蜿蜒深谷幽麓唐克幽禪師修行之所

明月山 去治北五里襟帶兩溪幽林古寺秋

光掩映瀟灑出塵

文筆山 去治東七里山勢高聳連亘數十里

中有一峰遠望如筆

旂山 去治東十里勢若龍旂相傳山現赤痕

則發科第

鳳臺山 去治北二十五里山形似鳳故名

龍頭山 去治西五十里有石如龍頭

銅盤山 去治東五十里壁立四絕人莫能上

樊噲山 去治東南五十里上有插旗石相傳

漢初樊侯會駐兵於此

瑤山 去治南一百三十里諸山羅列上有四

佛寺為安岳遂寧大足分界

隆龕山 去治南百四十里廢崇龕山以此名

石城山 去治西五十里四面如城

崙山 自瑤山枝出蜿蜒逶迤雄峙瑯江

覺山 自瑤山發脈特出群峯之上

大佛巖 在治東南巖高十餘丈勢甚陡峭鑄

佛像於上高與巖稱下臨涪水每一登眺令人

生遺世想傍有石磴歷堦響應若琴聲焉

涪江 源出龍安經綿潼射入縣界東南流下

合嘉陵江入重慶

赤溪 在治北源自蓬溪經治東流入涪江

倒流溪 在治西其水旋繞向北入涪江

石子溪 源乃兩溪合流十里許入涪江

磨溪 在治東南繞各溪之水流入涪江

零星池 去治西南四里

龍池 昔池側有柳樹大十圍後周天和初有

龍自樹昇士女共觀之其後樹枯池竭

金壁池 在城內其色如金

黑龍潭 去治八十里石溪一泓飛泉瀑布澄

潭不測其底有龍潛焉旱禱必應

湧泉 在土壘鎮有泉湧出灌溉田畝

仙井 在縣衙後唐節度使夏公魯奇死節於

此日初出霞氣蒸騰其水甘冽

蓬溪縣

跪象山 在治北學宮前

石魚山 去治東里許上有梓潼宮相傳此山會出石魚故名

蓬萊山 在治西北

赤城山 去治東二里中峯蔚然左右環拱上有七曲老人祠

龍馬山 去治西北十里昔季章甫牧馬於此山下產一駒毛骨異常人呼爲龍馬因名

青石山 去治南百七十里山有青石可爲鐘磬採者必先祀其神唐青石縣以此山名

風門山 在縣南一百七十里四面峻絕常有清風因名

伏龍山 在縣西二百里其山盤曲形如伏龍
明月山 在廢長江縣十里兩峰對峙下臨涪水相映而明唐賈島詩長江微雨後明月衆星中卽此又按總志在治西二百二十里

龍多山 在縣西七十里

高峯山 見祠廟

翔鳳山 下有寺

高觀山 去治西八十里

鳳凰川 去治北百二十里近鳳凰山故名

蓬溪 在治北源自蓬山西通遂寧縣

珠玉溪 去治西北七十里古有珠玉村因名

洗芝溪 去治東二里水入蓬溪

放生池 在龍多山下唐武后嘗放生於此

羊龍潭 去治南百里有龍君殿祈雨用空瓶

將蠟封固入龍口中以搖瓶得水爲驗須疾走到縣緩則大雨隨瓶而注

鑑潭 卽今之黎潭

聖泉 在龍多山下有淳祐二十年文震協記

牛仙尉祈雨靈應事碑記尚存

火井 在伏龍山下地窪若池以火引之有聲

隱隱出地中少頃炎熾夏月積雨停水則焰生水
水上水爲之沸而寒如故冬月水涸則土上有
焰觀者至焚衣裾

樂至縣

大娑婆山 去治南十里

小娑婆山 去治北一里對大娑婆山二山高聳特奇皆可屯兵

寶鼎山 去治西北七十里狀聳秀如臺鼎

筆架山 去治西北十里以形似名

寶蓋山 在治西北與筆架山相連有寶蓋寺

鳳飛山 與大娑婆對峙如交翥故名

周鼎山 去治西三十里形如古鼎

鳳凰山 去治東南二十里

四面山 去治東十里四方如塔

石佛山 去治南七十里

金鷄山 去治東二十五里

盤谷洞 在治南石刻小盤谷三字尚存

龍洞 去治東七十里

鐵峯山 在舊安岳縣後一名鳳凰山

大雲山 在舊安岳縣治北五里鐵峯山後上

有棲巖寺宋馮山讀書於此

鼇魚山 在舊安岳縣北二十里以形似名

雲居山 在舊安岳縣治東南十里有葛仙

洞崖畔勒龜鶴二大字

瑞雲山 在舊安岳縣治東六十里四壁如削

邑人張侍御築砦於此

獅子山 在舊安岳縣治北三十里形如獅子

無際禪師修行於此

香雲山 在舊安岳縣治南十里山頂有池水

煮茗甚甘

勝水河 去治東六十里

清水潭 在治東周鼎山之下瑩如璧玉

龍潭 在治西相傳潭下有龍潛焉禱雨輒應

桂林溪 在治西環繞如帶以多產文人故名

放生溪 在治東源出寶鼎山流入簡州河

樂至池 在治內宋寇準為樂至令嘗讀書於

此明知縣朱統直遷學於池北即以池為外泮

登科則有龍見之祥

蓮池 在治東一名洗馬池舊傳勾侍郎所鑿

若蓮盛開則科第多常有驗也

玉堂池 在治西五十里

蓮池井 在蓮池傍

靈觀井 在治內儀門傍

岳陽溪 在舊安岳縣治西即清竹溪遶治東

南流宋太守彭乘臨溪鑿石為曲水每歲修禊

於此以乘嘗官翰林故名翰林灘

大安溪 按明一統志在舊安岳縣北七十里

通賢溪 在舊安岳縣北五十里昔有通賢館

今廢

岳陽溪 在舊安岳縣環遶學宮溪上築堤曰

三元流百里入璿江

方池 在舊安岳縣治北舊有陳搏手植蓮

流杯池 在舊安岳縣東郡守彭乘命工鑿之

破石井 在舊安岳縣治西有巨石中分而出

水世傳陳搏所鑿也

潼川州城池考

總志州縣志合載

本州

潼川州城池 石城周圍九里有奇狀若蛇盤

與西川龜城對峙明天順成化間知州譚道生

蔣容相繼修築門四高一丈六尺樓翼層簷牆

飛女堞外鑿池闊四丈引西溪九曲水注於中

歲久湮廢知州錢輪重加疏鑿又於城東築隄

三十餘丈以禦水患嘉靖中知州趙德宏砌以

石門四東流通蜀南薰川北植柳萬株於外今

崩圯

屬縣

射洪縣城池

石城周圍五里明天順初典史

廖斌築土城成化間知縣郭鏜甃以石周五里

門四觀瀾宗海覽秀迎恩隆慶中知縣李猷重

修外環以壕

鹽亭縣城池

石城周圍六里成化初知縣李

惟中築門四鳳儀雲谿春谷瀾江今崩圯

中江縣城池

石城周圍七里三分高厚並一

丈三尺女牆高四尺壕深一丈寬一丈五尺門

五賓陽正觀迎恩永鎮近民今西南隅有門曰

水南開設無考共六門明天順中知縣譚敏築

弘治正德嘉靖萬曆崇禎間相繼補修

皇清康熙四十四年攝縣事知州張應詔始置門以

時啓閉五十二年知縣李來儀補築池外爲護

城堤創自宋時歷今屢經補築

遂寧縣城池

石城周十里外環以池唐節度

夏魯奇築明天順間典史吳讓正德間知縣范

府重修嘉靖中僉事楊瞻檄增高三尺門四望
鶴登龍玉堂金馬

蓬溪縣城池 石城周圍五里明成化初知縣
楊珙建逼河崩圯正德間御史熊相檄知縣馮

本改修嘉靖中知縣陳養正重修增廣百餘步
門四賓陽南薰西城拱辰

樂至縣城池 石城明正德初知縣汪民所砌
高一丈八尺周一百四十九丈門四迎恩演武

修文朝京知縣王聰重修

潼川州關梁考

總志州縣志合載

本州

孝弟橋 在治東學宮前

錦江橋 去治西一里

迎恩橋 去治西北二里

馬瑞橋 去治西二里

永固橋 去治東二十里

敦義橋 在治東三十里桃花溪上

永安橋 去治西一里

天生橋 去治南五十里

通濟橋 在治東五十里映溪山下橫鎖雙溪

射洪縣

五馬橋 在治南玉屏山下

飛虹橋 去治北一百里

里賢橋 在武東山下子昂故宅前後人取思

子昂之義

鹽亭縣

德星橋 在治南近嚴氏故宅杜甫詩有嚴家

聚德星之句因以名橋

雲溪橋 去治南八十步

春谷橋 去治西五十步杜詩春谷水冷冷

龍門橋 去治東百步

廣漢橋 去治南百步

龍江橋 去治北一里明尚書甘為霖有龍江

秋漲之句

虎洞橋 去治南一里明尚書甘為霖有虎洞

雲深之句

中江縣

東溪橋 去東門半里萬曆初知縣陶顯功建

朝京橋 萬曆間知縣安正孝重建改名安濟

崇禎乙亥知縣任之望創修石橋改名拱極

通濟橋 去治東二十里天啓間建

迴水橋 去治東二十里

安行橋 去治南二十里

弘濟橋 去治南三十里隆慶間義士樊選建

雲津橋 去治南四十里

龍龜橋 去治南四十里相近有羅漢橋

李公橋 在治南龔家口康熙乙未創建

雲板橋 去治南五十里

銅興橋 去治南六十里萬曆辛亥建

皇清康熙癸巳楚僧實弘重建

挂金魚橋 在銅山宋嘉定五年縣令牟巽建

普濟橋 在銅山石帽溝萬曆間建

琉璃橋 去治東一百里

捲洞橋 在治南交樂至縣界

河西橋 在小西門弘治元年知縣王杲建寬

七尺長五十丈嘉靖間重建改名復古橋今廢

魚鰍橋 去治西六里正德癸酉壽官孟宗建

勻溪橋 在治西見總志今無疑今舊高橋

高橋 在治西嘉靖丙戌知縣余祺改官路於

此創小石橋隨圯戊戌知縣張玠重建

彭家橋 去治北十里

通溪橋 在治北嘉靖癸丑知縣張曾建

永興橋 去治北四十里

四通橋 去治北五十里舊名黃家橋

皇清康熙乙未重建為潼川中江德陽羅江四路會

合之處

東橋 去治東十里

西河渡 南河渡 俱隸治境

遂寧縣

安濟橋 去治西十里

嘉福橋 去治北二里

蓬溪縣

利國橋 去治西六十里

連珠橋 去治東北二里

文星橋 在北門前壬子年造今壬子年崩

跨虹橋 在白塔寺前

飛馬橋 相傳有神馬見故名

樂至縣

通濟橋 去治南百里

文光橋 在治南

龍尾橋 去治北十里

彭成橋 去治東一百里

報國橋 去治西五里

八里橋 去治西八里

龍橋 在舊安岳縣治南學宮前

普金橋 在舊安岳縣治北一里

文星橋 在舊安岳縣治南四十步

潼川州部彙考二
 潼川州公署考
 潼川州學校考
 潼川州賦役考
 潼川州風俗考
 潼川州祠廟考
 潼川州驛遞考

欽定古今圖書集成方輿彙編職方典

第六百二十二卷目錄

潼川州部彙考二

潼川州公署考

潼川州學校考

潼川州賦役考

潼川州風俗考

潼川州祠廟考

寺觀附

潼川州驛遞考

古今圖書集成
潼川州兵制考
潼川州物產考

職方典第六百二十二卷

潼川州部彙考二

潼川州公署考

總志

本州

潼川州治 明洪武初建成化萬曆間相繼重
修今僅存堂廡

皇清康熙初知州汪有朋暫修茅舍

華池鹽課司 在治西

皇華馬驛 在州治內

秋林馬驛 在州治北

建寧馬驛 在州治西今毀

僧正司 在治西

道正司 在治南

屬縣

射洪縣治 明洪武中建至末年毀今未修復

洪濟倉 在縣治西

養濟院 在治東成化間建今廢

鹽亭縣治 明洪武中知縣李時美建萬曆中

知縣周世科改修

布政分司 在治東明洪武時知縣李時美修

今毀

按察分司 在治北明洪武時知縣李時美建

今毀

察院 在治西南順治間知縣江崐涑增修

雲溪馬驛 在治北今毀

富村馬驛 併入南部

僧會司 道會司 俱在治西今毀

盈濟倉 在治內

常平倉 在縣堂側康熙二年署職知縣劉鏞立

養濟院 在治南舊有房舍逆變焚毀暫結茅房養濟孤貧

中江縣治 前代創建無考明洪武間知縣高通建天順元年丁丑知縣胡叔寶修葺治事廳廳後爲堂廳前左右爲案牘房又前爲譙樓崇禎間知縣任之望重建鼓樓明末盡爲流賊焚

毀

皇清康熙二十七年戊辰知縣孟時雍始於治西正教街創建大堂堂左爲倉房右爲書辦房堂右爲二堂後爲內衙衙右葺舊房爲廚房書房前爲大門儀門四十二年癸未知縣徐湘建內書房西書房四十七年知縣李維翰建東西廂房次年又建堂前左右辦事房五十年於儀門左右建倉房五十二年知縣李來儀改東廂房爲二堂

主簿廳 在舊署左今毀

典史廳 在舊署東康熙五十四年乙未冬新建

布政司 按察司 二司行署俱在東街今毀

察院 在治東今毀

分司 在治內今毀

防守廳 在西街

公館 在縣署後街今毀

五城驛 在治北

古店馬驛 在治西今立站

公廨 在城西街知縣李延春新葺

演武場 在東門外一里

濟畱倉 在治內

養濟院 今毀

遂寧縣治 明知縣錢恕建知縣蕭禹臣重修

今圯未修

廣福鹽課司 在治西

提舉司 明時裁併歸縣久廢

廣積倉 在治西毀

蓬溪縣治 明時創建大門儀門申明亭大堂

二堂三堂住宅後樓監庫土地祠明末盡為賊

毀

皇清康熙四十六年知縣徐纘功因修學宮所餘木

石重修大門儀門申明亭大堂二堂三堂住宅

後樓以及廚廐書舍次第修葺規制仍舊

樂至縣治 明成化初修建今毀

潼川州學校考

州縣志合載

本州

潼川州儒學 在州治東南宋大觀初建明宣

德成化崇禎間屢加增修兵火後僅存大成殿

皇清康熙二十五年春奉頒

御書萬世師表四字匾額懸掛正殿

社學 在州治右

屬縣

射洪縣儒學 在治西宋元符間建明末毀知

縣孟憲孔重修

金華書院 在縣北元至正間設有陳子昂像

祀之

鹽亭縣儒學 在治南唐貞觀間建明洪武九

年重修後遷城西北知縣江岷涑重葺

東臺書院 在縣西南宋任伯傳讀書處今圯

太元書院 去治東四十里文同讀書處今名

太元觀

青蓮書院 去治東六十里相傳李白讀書處

學田 中田二分一釐二毫二絲四忽見徵京

斗租穀一斗六升九合七勺九抄二撮

中江縣儒學 在治南始創無考明洪武中知

縣高通重建正統四年典史胡仲賓天順二年

知縣胡叔寶正德十六年知縣余祺萬曆十五

年知縣安正孝崇禎九年知縣任之望十一年

知縣王國棟以及

皇清康熙初年知縣李延春三十四年知縣謝旻禧

四十七年知縣李維翰各相繼補葺中為大成

殿左右兩廡各十間戟門五間門前為泮池池上橋三池前為櫺星門門左右為德配天地道冠古今二坊又前為萬仞牆大成殿後為明倫堂三間堂左右齋房各三間尊經閣三間堂東為敬一亭

斗山書院 在城內明嘉靖初年知縣余祺創

建

社學 明嘉靖初年知縣余祺創建四所曰崇

正曰崇禮曰炳文曰臨泮

學田 四處一在治西一里許譚家街田地二

十五塊糧三升九勺一在治東十五里朝京橋

地五塊糧一升四合一在治東南二里官河耗

地半段一在治南三里曹家河口地八塊糧七

合俱明萬曆間知縣傅遇高尹郊民人楊會置

每年分租共十九石三斗貯備賑濟貧生

遂寧縣儒學 在治西南唐貞元間建明洪武

七年重修明末圯康熙六年知縣劉學瀚暫修

草殿三間

張九宗書院 唐貞元間建今圯

武信書院 在治內今廢

學田 下田四分二釐五毫見徵京斗租穀二斗五升五合

蓬溪縣儒學 在治北唐開元中建元至元甲午邑令蒲如璋剏修大成殿兩廡戟門櫺星門後毀於兵明宣德丁未邑令凌崇貴重新之成化辛丑邑令李芳重建櫺星門嘉靖四十五年邑令張希范重修又建尊經閣萬曆中邑令胡

璉鼎新之三十二年邑令趙瑞益新建學坊四十二年邑令馮思問重修學宮後爲流賊焚燬皇清知縣梁太來草創正殿康熙初知縣潘之彪鼎新尚未完備二十年知縣周甲徵修復明倫堂兩廡煥然一新

學田 有二一邑令王良謨置一邑令趙瑞益置

樂至縣儒學 在治東南明正德中建於城內崇禎中知縣朱統鎮遷此卽以樂至池爲泮池

文物甚振今圯

名世書院 明崇禎時知縣田舜年作養士類
即於治西南舊學遺址建此講授并買置院田
給生儒以資四時篝火之費科第疊興今久已
荒廢

潼川州賦役考

州志

州總

原額稅糧二萬六千三十二石一升三勺五抄
七撮七圭五粒

人丁五萬二千七百三丁原編銀共一萬二千
八百六十二兩四錢三分二毫一絲九忽九微
五塵歷遭兵燹俱缺額無徵

皇清定鼎經順治十年清丈以來查照全書州屬實
在墾熟田地共一百六十五頃五十七畝七分

五釐四毫一絲七忽二微九纖八沙六塵見載
稅糧共一百三石四斗九升八勺六圭六粒
見載人丁共二百七丁八分一釐六毫四絲七
忽四纖六沙四渺實徵大糧丁銀共四百八十
兩四錢一分六釐七毫五絲八忽四微五塵七
渺遇閏加增在外

本州

原額稅糧二千一百五十四石八斗七升一勺
六抄一撮

人丁四千八百六十九丁原編銀一千八百六
十三兩三錢七分七釐兵劫之後缺額無徵自
順治十年清丈以來實在墾熟中下田地共一
十九頃七畝五分六釐七絲三忽七微四纖六
塵見載稅糧二十石七斗一升五合二勺八抄
三圭一粒四粟

見載人丁四十七丁六分一毫二忽八微一纖
見徵大糧丁條銀共一百五兩七錢九分一釐
三毫六絲三忽一微五纖六塵遇閏加增在外

雜稅課程

見徵鹽課銀二十兩五錢

見徵鹽稅銀九十五兩三錢四分

射洪縣

原額稅糧一千一百七十五石三斗九升三勺
人丁二千四百五十四丁原編銀一千二百六
十九兩三錢九分四釐五毫兵劫之後缺額無
徵自順治十年清丈以來實在墾熟中田中地
二十六頃二十七畝九分五釐五毫二絲一微

四纖五塵見載稅糧十三石八斗七升九合八
勺二抄六撮八圭一粒六粟

見載人丁二十九丁四分四釐三毫七絲一忽
九微一纖七沙八塵四渺見徵大糧丁條銀共
六十三兩八錢九分八釐七絲八忽九微七沙
九塵六渺遇閏加增在外

雜稅課程

見徵鹽課銀九十一兩八錢

見徵鹽稅銀一千五百三十五兩六錢五分五

釐

見徵牙行銀三兩六錢

鹽亭縣

原額稅糧一千七十五石四斗五升六抄

人丁五千四百八丁原編銀一千三百八兩九

錢二分一釐七毫兵劫之後缺額無徵自順治

十年清丈以來實在墾熟中田地共九十九頃

四十畝四分五釐一絲九忽六微六纖六塵見

載稅糧五十一石四斗一合二勺九抄一撮八

圭九粒七粟

見載人丁一百九丁三釐九毫六絲三忽三微

八纖四塵見徵大糧丁條銀共二百二十八兩

三錢八釐五毫五絲八忽九微九塵遇閏加增

在外

雜稅課程

見徵鹽課銀一十八兩三錢五分

見徵鹽稅銀二十一兩七錢九分二釐

每年買備

上供白蠟五十一斤

中江縣

原額稅糧二千四十七石二斗六升六合六勺
三抄三撮

人丁五千一百九十丁原編銀一千五百八十
二兩六錢七分六釐六毫兵劫之後缺額無徵
自康熙三年設官清丈以來實在墾熟中下田
地三頃四畝六分八釐一絲三忽五微見載稅
糧一石二斗四升四合三勺七抄二圭三粒四

粟

見載人丁二丁三分九釐七毫八絲三忽五纖
一塵見徵大糧丁條銀六兩一錢四分九釐四
毫一絲九忽五微三纖五塵遇閏加增在外

雜稅課程

見徵鹽課銀三兩四錢
見徵鹽稅銀七兩八錢九分九釐六毫

遂寧縣

原額稅糧七千二百五十七石六斗六合三勺

七抄一撮

人丁八千八百七十七丁原編銀二千一十六兩六錢四分三釐一毫五絲一忽八微五塵兵劫之後缺額無徵自順治十年清丈以來實在墾熟上中下田地一頃三十六畝九分六釐六毫五絲一忽三微見載稅糧二石九斗一升一合三勺九抄八圭二粒七粟見載人丁二丁九斗一升一合三勺九抄九撮八圭二粒七粟見徵大糧丁條銀六兩二錢五

分六釐四毫六絲六忽六微九纖七沙九塵六渺遇閏加增在外

蓬溪縣

原額稅糧二千二百九十二石一斗二升人丁二千七百四十二丁原編銀一千三百三十兩三錢八分七釐兵劫之後缺額無徵自順治十年清丈以來實在墾熟上中下田地一十二頃七十一畝二分七釐四絲五忽五微三纖五塵見載稅糧一十一石七斗五升七勺六抄

三撮九圭二粒

見載人丁一十三丁七斗七升五合六勺一抄八撮四圭見徵大糧丁條銀共五十二兩八錢七釐七毫九絲三忽七纖七塵遇閏加增在外雜稅課程

見徵鹽課銀二十三兩一錢四分四釐二毫六絲

見徵鹽稅銀一百三十九兩三錢三分二釐六毫

樂至縣

原額稅糧二千二百八十石五斗六升七合二勺三抄七圭五粒

人丁五千一百三十五丁原編銀一千九十四兩一分四釐八毫六絲八忽一微自甲申劫戮之後無民停官於康熙十九年恢復以舊有縣制具題設官奉

旨俞允將安岳縣康熙三年清丈載糧數戶殘黎歸併今實在墾熟中下田地共五十六畝二分一

釐八毫七絲六忽九微八纖五塵見載稅糧三斗九升四合三勺一抄四撮四圭三粟

見載人丁四斗七升五合九抄三圭見徵大糧丁條銀一兩七錢七分三釐一毫二絲六忽七微八纖五沙三塵六渺

安岳縣

今歸併樂至縣

原額稅糧八千六百四十八石七斗四升六勺二抄九撮

人丁一萬七千九百九十八丁原編銀二千三

百九十一兩一分五釐四毫自遭甲申獻賊屠戮人民殆盡今歸併樂至縣

潼川州風俗考

州縣志合載

本州

常璩論土地沃美人士俊乂

舊經好勝尚氣不恥貧賤

士通經學古罕為異習

宋史地理志性輕揚喜虛聲尚奢靡

士尚氣節民務農桑

射洪縣

風習淳樸農務耕織士勤詩書

鹽亭縣

地瘠俗固不尚爭訟男女力穡

中江縣

總志俗樸務耕好學尚義

俗尚樸素士佩詩書民勤農桑稱易治焉今則
士佩詩書猶是也而食力處貧半耕半讀民勤
農桑猶是也而近井營鹽為商為賈略禮讓喜
交遊戶鮮蓋藏家惟節儉邇來招徠最眾流寓
難馴非復前此之易治矣

婚姻惟求門面不拘富貧媒妁既訂即往來交
拜不行問名納幣奠鴈之禮

喪葬惟從儉約弔慰者寡卜擇安厝必營修石
槨不具明器靈車功布之儀

婦女惟持家道閨壺勤女工內外有分別孀寡
多守志撫孤之節

遂寧縣

馬咸記人物富繁江山灑落

蓬溪縣

民勤耕織士敦禮讓

土瘠民貧皆務耕鑿士崇禮讓愛惜名節其俗
儉樸不尚華靡民間戚族里黨頗相親睦蓋亦
有醇謹之風焉

樂至縣

方輿勝覽土瘠民貧俗為近古

潼川州祠廟考

州縣志合載

本州

風雲雷雨山川壇 在治南

社稷壇 在治西

州厲壇 在治北

城隍廟 在治南

文昌宮 在治內

關聖廟 在治北

東嶽廟 在治南鳳凰山

張諫議祠 在治西祀宋諫議張雍

靈護廟 在治東祀東川節度顧彥暉

藍池廟 在治東北四十里

梓潼廟 在治東北五十里萬峯山上今廢

射洪縣

風雲雷雨山川壇 在治南

社稷壇 在治西

厲壇 在治北

城隍廟 在治北

附錄志合燻

文昌宮 在學右

陸使君祠 在治南玉屏山祀梁陸弼旱禱有

應

英顯廟 在治東南祀五顯神

金華祠 在治北元至正建肖陳子昂像祀之

射洪祠 在北門外驛旁傳云蜀獻王初之國

夢有神冠冕來謁者王問為誰對曰陳子昂也

今為射洪土神王駕過護送至此王因問其地

立祠祀之世因謂子昂為蜀土神

鹽亭縣

風雲雷雨山川壇 在治南

社稷壇 在治西

邑厲壇 在治北

城隍廟 在治內

文昌祠 在學左

土主祠 在治內

普惠行祠 在治東八十里祠下有小潭旱不

涸雨不溢祀李冰

東臺祠 在治東南南宋任伯傳讀書處

中江縣

風雲雷雨山川壇 在治南

社稷壇 在治西

邑厲壇 在治北

城隍廟 在治西

文昌祠 在學左

關帝廟 三一在東橋一在寧國寺一在治西

古店驛

土主廟 在治內卽勾豁廟祀凱州刺史李直
之今廢

馬王廟 在東街

五顯廟 二一在城東北隅一在小南門外

川主廟 在東門外

伯公廟 在治南十五里

東嶽廟 三一交蓬溪縣界一在治西高橋一

治西二十五里

靈感廟 在治南四十五里土主李直之顯靈

處

水神廟 在大西門外

藥王廟 戴家廟 白馬廟 俱在治西

三君子祠 祀宋蘇易簡蘇舜欽蘇伯起

楊公祠 在東街祀知縣楊廷幹

謝公祠 在寧國寺右祀邑令謝旻禧

遂寧縣

風雲雷雨山川壇 在治東南

社稷壇 在治西

邑厲壇 在治北

文昌祠 在學左

張九宗祠 在治西書臺山唐貞元間建

旌忠廟 在治北祀東川節度使夏魯奇

二郎廟 在治東郭祀蜀守李冰之子

蓬溪縣

風雲雷雨山川壇 在治南

社稷壇 在治西

邑厲壇 在治北

文昌祠 在學左

豐澤廟 在東城外宋時勅建以祀李洪

賈島祠 在長江埧有昔人題詠碑尚存

高洞廟 在治西三十里祀李洪上有高洞下

有環灘相傳為洪拔宅處竹木參差溪山縈抱

景致幽然

槐花廟 在治西二十里祀張桓侯

樂至縣

風雲雷雨山川壇 在治南

社稷壇 在治西

邑厲壇 在治北

普應廟 在舊安岳縣治北宋時天彭人多岳

授徒於普及卒門人牟袞率諸生葬之為立廟

文昌祠 在舊安岳縣學左

鐵山祠 在舊安岳縣治後隋時彝寇普瀘昌

三州文帝令姚萇討平之普人立祠祀之

寺觀附

本州

兜率寺 在治南二里中有唐劉蛻文塚杜甫

有詩今廢

永興寺 在治西舊名牛頭寺杜甫有詩見藝

文

草舞寺 湮沒無考

靈峯寺 今廢

琴泉寺 在治北

馬祖寺 在治內

洞門寺 在治西牛頭山下

草堂寺 在治內杜甫客梓州嘗居此因以名
寺後人有聯云草堂得號因工部鹿苑重開屬
鳳僧

末豐寺 在治東五十里宋時建

護聖寺 在治內有王勃庾信碑顧彥暉鐘銘

今剝落無字

慈雲寺 在治東五十里鹽亭相界古稱南峰

佛頂建自宋時

皇清知州張雲重修畱句幾片慈雲飛佛頂一溪流

水遶南峯

廣福寺 在治東秋林驛

保和觀 在治前即真人王杞飛昇處

天度觀 在治北一里宋建有甘露亭今廢

祐聖觀 在治南百里明勅建趙真人修真處

靈臺觀 在治東今廢

桂香宮 在治東五十里南峰山上郡士人讀

書於此

射洪縣

兜率寺 在治內舊有古石塔景泰間修

上方寺 在縣北天順間修相傳杜甫謁文翁

於此今廢

石鏡寺 在縣北二里今廢

玉京觀 在金華山晉陳勛學道山中白日仙

去梁天監中建觀唐鑄老君像宋治平二年賜

號玉京今廢

白鶴觀 相傳有二鶴止此因名

全真觀 在治南二十五里山有古柏一株形

如龍掛後人稱為木龍觀今已頽毀

鹽亭縣

定光寺 在治西宋建康熙五年重修

龍臺寺 在治北宋紹興中建

超果寺 在治東元至正間建康熙六年知縣

江昆涑重修

章邦寺 在治北十五里天順間建明末僧月

現脫化於此詳見仙釋

上乘寺 在治內宋慶元間建

定光寺 在治北十五里天曆間建

鵝溪寺 在治北五十里元至正間建

高院寺 在治東五十里

海門寺 在治北三十里

涪山寺 在治北七十里

曇雲庵 在治西負戴山麓

天祿觀 在治東百里宋紹興中進士張朝建

眞常觀 在治北五十里

青霞觀 在治南十五里唐開元初道士陳大

有見青霞覆山因建觀以名今石塔尚在

大士閣 在治南郊

中江縣

寧國寺 在治內相傳爲魯班建

東山寺 在治東五里建以祀東嶽

蓮花寺 在治西五里

藥師寺 在治南一百里

馬祖寺 在治南一百里舊傳馬祖曾說法於

此

花巖寺 在治北六十里異石巉巖蒼翠欲滴

靜隱寺 在治北四十里即明覺托鉢處也

多寶寺 在治北二十里

青洲寺 在治北五十里水出山澗其水獨清

因以名寺

會清寺 在治南九十里

法安寺 在治南六十里乃古刹

大雄寺 在元武山唐乾元二年建乾昌寺杜

甫題元武禪師屋壁詩即此宋治平二年改今

名寺久廢

下皇寺 在治東十二里俗呼六佛寺

聖壽寺 在治東北十五里相近有龍池寺

華藏寺 在治東二十里

中皇寺 在治東二十五里

廣福寺 在治東三十里

靜寧寺 在治東三十里

碧池寺 在治東南三十里

南山寺 與聯雲塔相連

僧官寺 在治南五里

冠頂寺 在治南二十里

金龍寺 在治南四十里僧實弘創建

石鉢寺 在治南四十里

金魚寺 在治南四十里孤峰山

羅漢寺 在治南四十里

高山寺 在治南四十五里

東禪寺 在治南五十里

法安寺 在治南六十里

惠清寺 在治南一百里

堯興寺 在治南一百四十里唐店堦

寶藏寺 在治南二百里

兩頭寺 並交潼川州界

觀音寺 交潼川蓬溪界

海會寺 在治西南三十里

井奇寺 在治南三十里

銅官寺 在治西南四十五里

金鷄寺 在治南五十里

眉山寺 在治西六十里

涌泉寺 在治西北五里

龍居寺 在治西北四十五里

柳羅漢寺 在治北門外

悟空寺 在治北一里宋建

覺會寺 在治北一里

袁家寺 在治北二十里

赤覺寺 在治北二十五里

土門寺 在治北二十五里

三教寺 在治北三十里

地藏寺 在治北三十五里

鼓樓寺 在治北五十里

解空寺 龍尾寺 西方寺

楠木寺 總聖寺 俱在治南一百六十

里

東禪寺 西禪寺 涌泉寺 俱與

廢飛鳥縣相近

聖燈寺 羅漢寺 方廣寺 並交

樂至縣界

元壽寺

千佛寺

三會寺

寶慶寺

羊角寺

楊道寺

七泉寺

天星寺

道寶寺

順水寺

竹篙寺 俱在下村

法忍院

在治南二十里舊名龍泉宮宋治平

間勅賜今名

廣福院

在銅山

藥師院

在銅山東南八里

龍華院

在治西南二里舊名石榻院宋治平

間勅賜今名

白衣庵

在東門外

費家庵

交金堂縣界

通明庵

在治南一百六十里

白雲庵

在治南一百六十里

文殊庵

在下村

梧桐庵

交潼川州界

清虛觀

在治北五十里黃龍真人飛昇處

真靈觀 今已頽廢

梓潼觀 宋何侍郎建

祥符觀 飛鳥縣相近

仙女觀 在治西南三十里相傳羅仙女脫化

處

集虛觀 在棲妙山田大神飛昇處

炳靈宮 在城西北隅

遂寧縣

廣德寺 在治西臥龍山唐克幽禪師修行處

宋時勅建

龍居寺 在治西六十里與安岳交界宋侍郎

劉儀鳳曾題詠於壁間

明月寺 在治西北

靈泉寺 在治東

開善寺 在治南梵雲山元至正時建

蕨山寺 在治南四十里

普光寺 在治南五里

百福寺 在治內古刹

雲遊觀 在治東三十里相傳呂仙嘗到此今已頽毀

蓬溪縣

古南寺 在城中

鷲峰寺 卽今白塔寺山門內有跨虹橋方塔峙其左

定香寺 在縣北三十里乃古刹兵火之後止存大雄殿一所初造殿時四壁求善繪者不得忽一日有二小童至笑令施主將顏料色色研

就待天明不見其人而畫已就留句云神仙妙術塗於壁萬古丹青巧不來

覺苑寺 在廢長江縣唐元和十二年刺史張九宗撰鑄鐘記并書今不可考

古井寺 今廢

明真寺 在治南三十里南北朝誌公禪師招提也

長樂寺 在治西三十里

寂光寺 在治西龍歸山下

高峯寺 在治北四十里相傳唐時有油井米泉羅衣秀才於石洞鎮讀書每聞鐘聲吃飯其後高峰僧人有先飯後鐘之說生至無飯因受記去遂不出油米遺跡尚存

佛子寺 在治北三十里

龍多寺 在治東南七十里唐天寶間奉旨醮

祭晉時馮蓋羅於此拔宅仙去詳見藝文

白塔寺 在治東一里

八關院 在治南三十里

樂至縣

崇教寺 在治北二里昔鑄洪鐘曉而自鳴百

鳥皆驚萬戶皆聞今寺廢鐘亦不存

西巖寺 在治內

報國寺 在治西二里

孔雀寺 在治東二十里

金山寺 在治北四十里

金馬寺 在治北二十里

仙鶴觀 去治二里

清泉觀 在治西十里今廢

陳林寺 在舊安岳縣治西有古塔今廢

萬壽寺 在舊安岳縣治北一里

真相寺 在舊安岳縣治東南十里宋建有葛

仙圓覺二洞山上有井卽葛仙井今寺廢

棲巖寺 在舊安岳縣治北五里巖壁間有石

像千餘

道林寺 在舊安岳縣治北三十里

天臺寺 在舊安岳縣治北五十里今廢

木門寺 在舊安岳縣治北三十里古名佛勝

明永樂建蠶骨真身有塔在此

古龕寺 在舊安岳縣治南六十里古崇龕縣

有買臣墓

隆興觀 在舊安岳縣今俱廢

潼川州驛遞考

州志

本州

秋林馬驛 建寧馬驛 俱隸本境

皇華馬驛 額設站馬二十匹馬夫十名又分

領秋林建寧兩驛站馬二十匹馬夫十名扛夫

三十名夫馬工料近遵畱六之例按數支領

射洪縣

九井馬驛 今燬

鹽亭縣

雲溪馬驛 額設站馬二十匹馬夫十名又分

領秋林驛站馬十匹馬夫五名扛夫三十名夫

馬工料近遵留六之例按數支領

富村馬驛 今併入南部

中江縣

五城馬驛 額設站馬二十四匹馬夫十名扛夫

三十名

古店馬驛 額設站馬二十匹馬夫十名扛夫

三十名

縣門鋪 在城內

牟谷鋪 在縣東九里

迴水鋪 在縣東二十里

朝宗鋪 在縣東三十里以上三鋪達潼川州

余嶺鋪 在縣西十里

平易鋪 在縣西二十里

便民鋪 在縣西三十里

走馬鋪 在縣西四十里

西城鋪 在縣西五十里

皂角鋪 在縣西七十里以上六鋪達綿州

遂寧縣驛遞無考

蓬溪縣

朝天馬驛 在縣南

樂至縣驛遞無考

潼川州兵制考

總志

州總

潼綿營守備一員 隸成都城守營駐劄潼川

州轄千總一員把總二員

分防綿州魏城中江

中江駐防把總一員兵丁一十五名

古店驛防守兵三名

龔家口防守兵五名

潼川州物產考

州縣志合載

州總

桃竹 江心蟠石上生可為杖竹譜云竹性中

皆空此竹獨實如木杜甫詩江心蟠石生桃竹

蒼波噴浸尺度足斬根削皮如紫玉遂寧亦出

會青 空青 相傳出於涪江唐時奉旨尋之

不得此亦不常有之物未可以土產定之也

鹽 射洪鹽亭中江蓬溪皆出

蒟蒻 灰汁磨煮

荳萁菰 七月野生味甚香美

氣生菌 春日平地突出過時化灰

松 有油者可代燭

扁柏 古店二株甚大千年物也

楠 葉小者佳

橙 三年成林

黃楊 堅嫩不凋

麻柳 為箱櫃貯衣無虫根年久者可焚曰宦

香

櫟橡 實可飼猪

紅豆 甚堅重有文理

魴魚 四足無鱗尾細而長音如小兒每至雷

鳴則升樹狀與蝦蟆相似俗呼哇哇魚出石靴

子灘中

鰕魚 味最美背有鬚刺十二應十二月俗呼

魚虎

雪梨 二種相傳希夷崇龕里所出今荒廢舊

安岳縣出

紫藕 天門冬 俱舊安岳縣出

紫藕 二蘇林為命使...

天門冬 湖城美昔...

俱舊安岳縣出

...

...

...

...

...



